

Հ. Վ. ՄԻՐՉՈՅԱՆ, 17-րդ դարի հայ փիլիսոփայական մաքի ֆենեպան վեր-
լուծություն, Երևանի համալսարանի հրատարակչություն, Երևան, 1983, 415 էջ:

Հայոց պատմության համար XVII դարն ունեցել է բացառիկ կարևորություն, սակայն մինչև վերջերս հայագիտության մեջ նկատվում էր մի շատ լուրջ բաց. անբավարար էր ուսումնասիրված ինչպես այդ դարի հայ քաղաքական ու տնտեսական, այնպես էլ գիտամշակութային կյանքի և հատկապես փիլիսոփայական մտքի պատմությունը: Մենագրության թեման ընտրելով XVII դ. հայ փիլիսոփայության պատմությունը, Հ. Միրզոյանը հետապնդել է մեկ հիմնական: նպատակ՝ ըստ կարելիության լրացնել հայագիտության մեջ նկատվող այդ լուրջ բացը: Դրանով նա ստանձնել է շնորհակալ մի դործ, որը, պետք է ասել, նա կատարել է գիտական պատասխանատվության բարձր զգացումով և բժախնդրության հասնող գիտական բարեխղճությամբ՝ ցուցաբերելով ոչ միայն այդ դարի հայ քաղաքական, սոցիալ-տնտեսական ու գիտամշակութային կյանքի լավատեսողականություն, այլև հայ և համաշխարհային փիլիսոփայության պատմության քաջ իմացություն: Փիլիսոփայական միևնույն ժամ հայտնի սկզբնաղբյուրները մասնագիտական բարձր մակարդակով վերլուծելու և արժեքավորելու կարողությունից բացի Հ. Միրզոյանը դրսևորել է նաև պատմաբանասիրական ու աղբյուրագիտական հետազոտությունների կատարելու որոշակի միջոց ու հմտություն, որը ունի զեպքում խիստ կարևոր է: Խնդիրն այն է, որ XVII դարի փիլիսոփայական շատ ու շատ սկզբնաղբյուրներ երկար ժամանակ մնում էին չուսումնասիրված ու չգնահատված, որի պատճառով էլ անբավարար է ուսումնասիրվել կամ, ըստ էության, ճիշտ չէ գնահատվել այդ դարի հայ փիլիսոփայական մտքի պատմությունը: Ըստ այդմ էլ գրախոսվող մենագրության ամենակարևոր արժանիքներից մեկը պետք է համարել նաև այն, որ հեղինակը դերադասել է գնալ ոչ թե տրոբված ճանապարհով, այլ հայագիտության միևնույն ժամ ունեցած դրական ձեռքբերումների օգտագործմամբ բացել է սեփական արահետ, տեսել է ուրիշների շտեմածք, հանրահայտի մեջ բացահայտել է անհայտը: Նշանատու է ճիշտ որոշելով իր անելիքը, արդյունքում նա հասել է գիտական լուրջ նվաճումների: XVII դ. հայ փիլիսոփայական մտքի զարգացման պատմական պատկերը վերհանելու համար Հ. Միրզոյանը ստիպված է եղել, ինչպես ինքն է գրում, «օգտագործելու ոչ միայն զուտ փիլիսոփայական ու տրամաբանական, այլև քննադատական, պատմագիտական, աշխարհագրական, լեզվաբանական, ճարտասանական, գեղարվեստական բնույթի երկեր, ինչպես նաև ճանապարհորդական հուշագրություններ ու օրագրեր, ձեռագիր ու տպագիր գրքերի առաջարաններ, վերցրածներ ու հիշատակարաններ, ինքնազանգվածագրություններ ու նամակներ և այլ կարգի նյութեր» (էջ 5): Դրանց զգալի մասը առաջին անգամ է դրվում շրջանառության մեջ և, պետք է ասել, ընդհանուր առմամբ ճիշտ է գնահատվում:

Ղեկավարվելով մշակութային, ի մասնավոր փիլիսոփայության, պատմության ուսումնասիրության մարքս-լենինյան գիտական մեթոդաբանությամբ, Հ. Միրզոյանը ջանացել է XVII դ. հայ մտածողների աշխարհայացքը ներկայացնել փիլիսոփայական լայն ֆոնի վրա՝ հստակելով, թե ինչ են վերցրել նրանք հայ և համաշխարհային փիլիսոփայության հարուստ գանձարանից և ինչ նոր բան են ավելացրել այդ իսկ գանձարանին: Հեղինակի կողմից հաճախ կատարած փիլիսոփայապատմական հետաքրքիր էքսկուրսիաները արժեքավոր են ինչպես հայ, այնպես էլ համաշխարհային փիլիսոփայության պատմության տեսակետից: Ուշադրության է արժանի և այն, որ հեղինակը XVII դարի հայ փիլիսոփաների աշխարհայացքը ներկայացնում է մի կեզմիջ՝ իր դարն ապրած, բայց և ավանդույթի ուժով գոյատևող կրոնական աշխարհայացողության, իսկ մյուս կողմից նոր ձևավորվող գիտական աշխարհըմբռնման պայքարի բովում՝ համոզիչ կերպով ցույց տալով, թե որտեղ և երբ են նրանք պարտադիր տուրք տալիս իր դարն ապրածին, իսկ որտեղ և երբ են հակադրվում նրան:

Շնորհիվ այս ամենի, Հ. Միրզոյանի մենագրությունն աչքի է ընկնում գիտական հարուստ և բազմաթիվ նորություններով: Հարկ չհամարելով թվարկել դրանք, բերենք միայն մեկ օրինակ: Ուրեմն ունենալով Պլատոնի իդեալիզմի արիստոտելյան քննադատության վ. Ի. Լենինի հանրահայտ գնահատականը, Հ. Միրզոյանը նույն համամասնությամբ իրավացիորեն փորձում է հայ և հոռոմական եկեղեցիների միջև մղված դավաճանական դարավոր պայքարի մեջ տեսնել հակակրոնական դրական գծեր (տե՛ս էջ 53—54): Իսկ եթե նկատի ունենանք, որ հոռոմա-

կան հեղեղեցու դեմ հայերից բացի նման պայքար մղել են նաև ՍՍՀՄ և աշխարհի շատ այլ ժողովուրդներ, ապա պարզ կդառնա մենագրություն մեջ այս հարցադրման տեսական ու նախալուրդական կարևոր նշանակությունը:

Ներածություն մեջ Հիմնավորելով ընտրած թեմայի գիտական կարևորությունը, արժեքականությունն ու իր անելիքները, հեղինակը բացահայտել է տվյալ թեմայի ուսումնասիրության հետ կապված դժվարություններն ու դրանց հաղթահարման եղանակները, առաջադրված հարցերի մեթոդական հիմքերն ու հետազոտության մեթոդի հիմնական սկզբունքները, ինչպես նաև տվել է հրապարակի վրա առկա գիտական գրականության վերլուծությունը՝ ուշադրություն դարձնելով հատկապես XXII դ. հայ փիլիսոփայության գիտատեսության հարցում այլ հետազոտողների կողմից, իր կարծիքով, թույլ տրված սխալներին ու անճշտություններին: Ընդհանուր առմամբ ճիշտ համարելով այդ գրականության վերլուծությունը, առանձին դեպքերում, սակայն, նկատվում է ծայրահեղ մոտեցում:

Առաջին գլխում, որը գրախոսվող մենագրության ամենածավալուն բաժինն է, ընդհանուր դժերով ներկայացված է XXII դարում Հայաստանի քաղաքական ու սոցիալ-տնտեսական դրությունը, գիտամշակութային կյանքը, թարգմանական գրականությունը (իհարկե, հատուկ ուշադրություն դարձնելով փիլիսոփայական բիշ թե շատ արժեք ունեցող թարգմանությունների վրա) և վերջապես՝ հայ փիլիսոփայական մտքի անցյալի ընդհանրված ավանդույթների վերականգնման քարդ ու տանջալից պրոցեսը: Երկրորդ գլխում հեղինակն անդրադառնում է XXII դ. հայ աղային-ազատագրական մտքի պատմության ցարդ լուսումնասիրված կամ թերի ուսումնասիրված ինչ-ինչ հարցերի, ինչպես նաև վերլուծում է դարի հայ մտածողների կողմից սոցիալ-դատակարգային պայքարի մասին. արտահայտված մտքերն ու տեսակետները, նրանց գլխում վերլուծվում են աստծու և բնության, մատերիալի և ձևի, մարմնի և հոգու փոխհարաբերության հարցերում XXII դարի հայ մտածողների ըմբռնումները: Չորրորդ գլխում գիտարկվում են աշխարհի ճանաչելիության, ճանաչողության աստիճանների, դրանց կապի ու փոխհարաբերության, առանձին առարկաների և ընդհանուր հասկացությունների փոխհարաբերության և գիտությունների դասակարգման մասին հայ իմաստասերների դրսևորած պատկերացումները: Հինգերորդ գլխում նվիրված է տրամաբանության առարկայի, դերի ու խնդիրների և մտածողության ձևերի մասին XXII դարի հայ տրամաբանների արտահայտած տեսակետների վերլուծությանը:

Նպատակ չունենալով մեկ առ մեկ թվարկելու գրախոսվող մենագրության բոլոր արժանիքները, բերած նորություններն ու տեսական կարևոր հարցադրումները, ասենք միայն, որ այն գրված է պրոֆեսիոնալ բարձր մակարդակով, լեզվական հիմնալի կուլտուրայով, սկզբնաղբուրային հարուստ նյութի, ինչպես նաև հայ և համաշխարհային փիլիսոփայության պատմության լավ իմացությամբ: Մենագրությունն՝ աչքի է ընկնում թարի ու համարձակ հարցադրումներով և դրանց տրված պատասխանների գիտականությամբ, ունի բարեխղճորեն կազմված գիտական ապարատ և տեխնիկական լավ ձևավորում: Անշուշտ, կարելի է վիճարկել Հ. Միրզոյանի ինչ-ինչ հարցադրումները, չհամաձայնել նրա առանձին մտքերի ու տեսակետների հետ, բայց ներկա պարագային դա, մեր կարծիքով, պետք է համարել գրախոսվող մենագրության ոչ թե թերությունը, այլ առավելությունը: Այլապես էլ ինչ գիտական մենագրություն, եթե այն չպետք է առաջ բերի տարակարծություններ ու կարծիքների բախում: Հենց այդ աղբյուր էլ ցանկանում ենք անել մի քանի դիտողություն ու առաջարկություն, որոնց հանդիսանում, կարծում ենք, օգտակար կլինի հեղինակի հետագա գիտական աշխատանքի համար:

1. Մեր ամենահիմնական դիտողությունը վերաբերում է մենագրության ընդգրկած ժամանակահատվածին: Բանն այն է, որ Հ. Միրզոյանը XXII դ. համարում է նոր շրջանի հայ փիլիսոփայության սալմանվորման ժամանակաշրջան: Մինչդեռ, մեր կարծիքով, նոր շրջանի հայ փիլիսոփայության, այսինքն՝ բուրժուական մտածողության սաղմնավորման ու ձևավորման պրոցեսը, ըստ էության, տևել է մինչև XVIII դ. կեսերը, մինչև հնդկահայ լուսավորիչների երևան գալը: Ուստի՝ ճիշտ կլինի XXII դ. ոկսված պատմական պրոցեսի մասին ամբողջական պատկերացում կազմելու համար ընդլայնել գրախոսվող մենագրության ընդգրկած ժամանակահատվածը՝ ներառնելով XVIII դ. առաջին կեսի հայ փիլիսոփայական մտքի պատմությունը, որն, ի դեպ, առայժմ մնում է լուսումնասիրված ու չգնահատված:

2. Թվում է, XXII դ. հայ փիլիսոփայության պատմությանը նվիրված աշխատության մեջ կարիք չկար մանրամասնորեն անդրադառնալու Հայաստանի սոցիալ-տնտեսական, քաղաքական ու պատմաշակութային կյանքին: Կարծում ենք, դա կարելի էր անել ավելի ընդլայն ու հա-

կիրճ ձեռով, մինչդեռ, ընդհակառակն, պետք էր ավելի հանգամանորեն ներկայացնել նույն գըլ-
խի վերջին պարագրաֆում քննարկվող հարցերը և ամենից առաջ լվուլում կաթուղիկ միտքներ-
ների հետ էջմիածնի նվիրականների ունեցած բանավեճը:

3. Նշեցինք, որ գրախոսվող մենագրությունն աչքի է ընկնում ընդգրկված հարցերի բազ-
մադանությամբ, այդ հարցերին տրված պատասխանների լայնությամբ ու խորությամբ: Ան-
շուշտ, քննարկված հարցերի բազմադանությունը թելադրված է ընտրած թեմայով և դեռ հնա-
րավոր էր ավելի մեծացնել դրանց թիվը: Օրինակ, կարելի էր վերլուծել նաև խնդրո առարկա
դարի հայ մտածողների գեղադիտական ու բարոյագիտական հայացքները, բայց հագիվ թե
դա հնարավոր լինե՞ր կատարել ոչ ի վնաս մենագրության բովանդակության: Ուստի, մեր կար-
ծիրով, ճիշտ է վարվել հեղինակը, որ այդ հարցերը գիտակցաբար թողել է մի կողմ, միայն թե
դրան պետք էր տալ ավելի պարզորոշ հիմնավորում:

4. Թեև մենագրությունն, ինչպես առաջինք, գրված է պրոֆեսիոնալ բարձր մակարդակով
ու լեզվական փայլուն կուլտուրայով, բայց և այնպես նրանում տեղ են գտել լեզվաոճական ա-
ռանձին անճշտություններ ու անհարթություններ (տե՛ս էջ 18, 45, 101, 142):

Գրախոսվող մենագրության մեջ կարելի է տեսնել նաև այլ կարգի թերություններ (կատե-
գորիկ պնդումներ, առարկություն վերցնող մտքեր ու փաստական մանր անճշտություններ),
բայց ներկա զնայքում դա չէ մեր հիմնական խնդիրը:

Ամբողջության մեջ վերցրած Հ. Միրզոյանի «17-րդ դարի հայ փիլիսոփայական մտքի քն-
նական վերլուծություն» մենագրությունը իր ընդգրկած հարցերի բազմապիստությամբ, փաստա-
կան հարուստ առադձով և մանավանդ պրոբլեմների խոր վերլուծությամբ լուրջ ներդրում է
հայ փիլիսոփայության պատմության մարքսիստական ուսումնասիրության ասպարեզում:

ՍՆՆ ԱՐԵՎՇԱՏՅԱՆ
ՀՍՍՀ ԳԱ Թղթակից աճղամբ